

CityKidz Kletsblad

Die goeie nuus rakende ons Kletsblad het soos 'n brandende vuur versprei. CityKidz leerders van Gr 4 tot 7 vra daagliks of hulle deel van die Kletsbladspan kan wees. Die Kletsbladspan wys niemand weg nie, dus gaan ons span weekliks groter word. Ons stel die week se redaksiespan bekend.



Achter: Ayanda Masina, Jabulile Zondo, Nonhlanhla Khumalo, Joy Okwonkwo, Jordan Hoffman, Remofilwe Leepile
 Voor: Rachel Banda, Quinn Morgan, Zoë Bhebhe, Thamsanqa Ndlovu

Volg ons op



Ons Flink-Dink woorde!!

belangrik (important) taal (language)
 kommunikeer (communicate) maklik (easy) rekenaars (computers)

Graad 1 - My Familie
Uit die pen van Juffrou Marcherie Strydom...



Uit die mond van 'n kind hoor jy altyd die waarheid en dit is die lekkerste gevoel om te sien en hoor hoe hulle leer en verstaan.

Dihumbuleleni vertel vir my in haar eie woorde dat sy "'n Pappa en 'n Mamma het waar Nanette weer sê dat sy 'n Pappa, Mamma , Ouma en Oupa het. Om hierdie te hoor is 'n ongelooflike ervaring omdat ons weet hoe moeilik dit vir hulle is. Ek kuier verder in Juffrou Fatima se klas en daar vertel hulle op hulle eie vir my oor hulle liggaam. Dit was ongelooflik om te sien hoe hulle luister en die korrekte liggaamsdele uitspreek soos Juffrou Fatima hulle geleer het.

In Afrikaans is dit net so belangrik vir die kinders om te leer maar meer te verstaan! Hulle geniet die lesse baie en gee hulle beste in die klas.

Om 'n taal te leer is nie maklik nie en die Graad 1 klas het my gewys dat hulle KAN.

Hulle almal is beslis FANTASTIES!!

Ek kuier gou weer by die ander Grade en kyk wat hulle ons kan leer.

Tot volgende keer...

Groete
Juffrou M. Strydom



Gedigte

‘n Vriendskap
deur Joy Okwonkwo



‘n Vriendskap is spesiaal,
‘n Vriendskap is soos ‘n x-traal.
‘n Vriendskap is ‘n sterk band.
‘n Vriendskap is begrip vir mekaar.

‘n Vriendskap maak dat ons mekaar gebruik in tye van noot.
‘n Vriendskap is geheimsinning.
Ek is lief vir my vriend.
My vriend – jy is my sielsgenoot.

Iemand het nie al sy varkies
in die hok nie.

‘n Gegewe perd in die bek kyk.


Die appel val nie ver van die boom
af nie.

Alle grappies op ‘n stokkie.

Van ‘n padda vere probeer pluk.



‘n Voëltjie hoor fluit.



Die
Afrikaanse boom
vol Kennis...
Idiome

Kletsblad Berigte



Waarom is dit belangrik om in Afrikaans te skryf?
deur Ayanda Masina en Jabulile Zondo

Dit is baie belangrik om Afrikaans te leer skryf omdat jy al die basiese fondamente van die Afrikaanse taal leer. Deur aanhoudend te skryf, Afrikaanse stories te lees en op die televisie te kyk, verbeter jy jou woordeskaf en die vermoë om in Afrikaans te kommunikeer.

Wanneer jy vlot Afrikaans kan praat, is dit makliker om 'n sms-boodskap in Afrikaans te stuur of self met iemand in Afrikaans oor die foon te gesels. Ons is nog nie op daardievlak nie, maar kan wel al 'n maatjie help om 'n Afrikaanse woord te spel of selfs van Engels na Afrikaans te vertaal.

Hou hierdie spasie dop...Teen die einde van 2019, gaan ons woordeskaf so gevorderd wees dat ons al 'n gesprek in Afrikaans kan voer.

CityKidz Slimborde – Interaktiewe lesse wat ons slim maak!
deur Thamsanqa Ndlovu



Interaktiewe Slimborde het CityKidz oorgeneem en ons as skool kan nie meer opgewonde wees nie. Ons leer nie meer deur net in ons boeke te kyk nie, maar leer eerder deur aktief betrokke te wees in elke les. Die onderwysers koppel hulle rekenaars aan die slim bord en soos towerkuns verskyn die mooiste prentjies en video's voor ons. Ons kan woorde en prente rondskuif en self op die bord skryf deur 'n spesiale pen te gebruik.

Baie dankie CityKidz dat julle ons kennis uitbrei deur al die nuwe leerstyle. Ek kon nie vir 'n beter skool gevra het nie.



*CityKidz Revue – Memories
deur Zoë Bhebhe en Rachel Banda*



Revue is 'n splinternuwe buitemuurse aktiwiteit by CityKidz Pre & Primary School. Aan die begin van 2018 was die belangstelling min omdat niemand geweet het wat vir hulle gaan wag nie. Die waters is met die Gr 4 leerders getoets en die belangstelling het soos 'n brandende vuur versprei.

'n Tema word gekies en liedjies en bewegings word rondom die tema uitgewerk. Die tema is Memories en al die leerders geniet dit vreeslik om na die maat van die musiek hulle klein lyfies te beweeg.

Die revue groep is ingeskryf vir die PTA Staatsteater kompetisies en ons kan nie wag om die hele Gauteng te wys waarvan CityKidz gemaak is nie.

Onder leiding van Juffrou Alecia de Kock het ons reeds aan ons volgende revue tema begin oefen: @The Movies. Oor die 100 leerders het belangstelling getoon om hierdie produksie 'n reuse sukses te maak.

Hou die spasie dop... Groot dinge is nog op pad!



Vertel my van jouself?
deur Remofilwe Leepile en Nonhlanhla Khumalo



My naam is Remofilwe Leepile en my skryfmaat is Nonhlanhla Khumalo. Ons altwee is hierdie jaar in Gr 6 en 11 jaar oud. Ons altwee speel Netbal vir CityKidz Pre & Primary School. Nonhlanhla is in Johannesburg gebore waar ek in die Noord-Kaap gebore is. Ons altwee hou vreeslik daarvan om in Afrikaans te skryf en ook in Afrikaans met mekaar te gesels. Nonhlanhla is baie goed in Rekenaars en wil eendag met hulle werk.